



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. I. Quid sit Emptio, & Venditio?

urn:nbn:de:hbz:466:1-40673

VII. Difficultas est in matrimonio, quando fuit irritum ob aliquod impedimentum, num debeat eo sublato innotescere utriusconiugii, ut uterque de novo contrahat? Multi apud Less. loc. cit., Sanch. lib. 7. disp. 36. docent, satis esse, quod innotescat tantum alteri parti, verbi gratia uxori, quæ erat conscientia talis impedimenti, & ista inducat maritum ad iterum contrahendum, casu quo primus Contractus fuisset invalidus; Communior tamen, & probabilior sententia docet,

debere utrius innotescere invaliditatem primi Contractus, ut valide possint iterum contrahere. In casu tamen gravissimæ necessitatis licitum est uti priore sententia, quando scilicet facile est, ut alter, cui de novo impedimentum innotescit, nolit matrimonium revalidare, & inde orientur odia, rixæ, homicidia, liberorum velut illegitimorum desertio, necnon uxoris tanquam concubinæ infamia. Atque hæc de Contractibus in genere dixisse sit satis.

Q U A E S T I O N E II.

De Emptione, & Venditione.

Absoluta disputatione de Contractibus in genere, descendimus ordinata methodo ad disputandum de singulis principalioribus in specie. Et primo quidem de Emptione, & Venditione, quæ in usu frequentissimæ sunt, & subjacent plurimis difficultatibus. Quæremus autem primo, Quid sit Emptio, & Venditio? Secundo, Quænam res emi, vel vendi possint? Tertio, Quodnam sit pretium justum rerum vendibilium? Quarto, An monopolia, & negotiatio sint illicita? Quinto, An debeat vendor aperire vitia rei vendenda? Sexto, Ad quem spectent fructus rei venditæ? Septimo, Qui res vendita pereat, si perit ante traditionem?

ARTICULUS I.

Quid sit Emptio, & Venditio?

- I. *Emptio est Pactio pretii pro merce;*
Sicut Venditio est Pactio mercis pro pretio. Quid venit nomine mercis?
Traditio rei, aut pretii non requiritur ad Contractum perficiendum, sed ad transferendum dominium.
- II. Tributum, seu laudem debetur Gabellario, seu domino, qui erat tempore Contractus, non illi, qui est tempore traditionis. *Quid si Contractus exigat ratificationem?*
- III. Si pro merce datur pretium simul, Pars IV.

& alia res, Contractus dicendus erit venditionis, si pretium excedat talem rem, ut proinde gabella debeat; secus vero erit permutatio-

nis. *Quid si res non excedat valorem pretii, quod cum illa datur?*

IV. Non est Emptio, sed locatio, & conductio, quando Artifex ponit solas operas, & non materiam; Secus vero si materiam simul, & operas ponat, & in hoc casu gabella erit solvenda.

V. Non tamen si Artifex materiam simul, & operas ponat edificando domum in fundo meo.

I. **D**efinitur Emptio, quod sit Pactio pretii pro merce; sicut e-

E con-

contra Venditio definitur, quod sit *Pactio mercis pro pretio*. Nomine autem mercis venit quælibet res vendibilis, videlicet res mobiles, immobiles, actiones, jura, & quocumque pecunia æstimari potest. Quare tria ad Emptionem, & Venditionem requiruntur, merx, pretium, & mutuus consensus exterior expressus: Nec requiritur ad hunc Contractum traditio rei, aut pretii, ut perficiatur, ex leg.

4. *De contrahenda emptione*; quamvis requiratur traditio rei, ut per Contractum hunc transferatur dominium illius.

II. Dubium tamen est, quando exemptione, vel Venditione rei tributum aliquod, seu gabella, vel laudemnum solvendum est Gabellario, vel domino directo, cuinam tribuendum, Gabellario ne, qui existebat tempore emptionis, an illi, qui existit tempore traditionis rei?

Respondent communiter cum Molin., Bonac. hic contra Vasq., & Tiraquel., deberi illi, qui erat tempore Contractus, cum emptio sit perfecta ante traditionem rei, si consensus sit absolutus: Quod si consensus sit conditionalis, tunc suspenditur consensus; verbi gratia si intendant contrahentes contrahere dependenter a conditione scripturæ, vel alterius conditionis, & in tali casu etiam tributum debetur quidem post impletam conditio nem, sed Gabellario, qui existebat, quando celebratus fuit Contractus, non quando purificatur conditio, quia impleta conditione Contractus fictio ne juris retrotrahitur ad tempus, in quo fuit celebratus, ex leg. *Qui balneum apud citatos Doctores*; Et idem docent, si Contractus requirat ratificationem; Quamvis Vasq., & Tiraquel. putent oppositum, quod scilicet gabella solvenda sit Gabellario existenti tempore ratificationis.

III. Quæritur nunc primo, Utrum

habeatur Emptio, an Permutatio, vel alias Contractus innominatus, quando pro merce datur premium simul cum alia re? verbi gratia, si pro domo dentur centum aurei, & equus, habeturne emptio, ita ut debeat gabela, an non?

Respondeo, quod si premium exceedat rem, quæ cum illo datur pro merce, talis Contractus dicendus sit Emptio, secus Permutatio: Quod si res, & premium erunt ferme æqualia, talis Contractus erit vel Emptio, vel Permutatio ad arbitrium Contrahentium. In dubio autem num intenderint celebrare Contractum venditionis, an permutationis, attendi debent verba, quibus Contractus celebratus est, ex leg. *Instipulationibus, de Regulis iuri*. Quare quando gabella pro emptione aliquius rei solvenda est, Contractus dictus dicendus simpliciter emptionis, si premium excedat rem, quæ cum illo datur, ut si pro domo dentur centum, & equus, qui valeat viginti aureis, atque adeo gabella solvenda est. Contra vero si res excedat premium, ut si pro domo dentur centum, & equus, qui valeat quingentis aureis; Quod si equus valeat etiam centum aureis, puto cum Molin., & Bonac, quod pro tali Contractu dimidia gabella solvenda sit, contra Bald., & alios existimantes esse Contractum venditionis, & sic gabellam esse integre solvendam; Et contra Gomez, & alios putantes esse Contractum permutationis, & sic gabellam simpliciter non esse solvendam.

IV. Quæritur secundo, In quo differat Emptio a locatione, & conductione?

Respondeo, quod si Artifex ponat folias operas, non materiam, ut si ex auro meo Artifex conficiat annulum, talis Contractus dicitur locationis, & conductionis; quia Artifex locat operas suas, & ego illas conduco: Si ve-

ro

ro Artifex materiam simul, & operas ponat, censetur emptio, & venditio, ut si Artifex det mihi annulum ex auro suo; Unde gabella solvenda est.

V. Excipiendum tamen, si in fundo meo Artifex fabricet domum, apponendo materiam, videlicet lapides, tegulas, culcem, &c.; censetur enim Artifex operas suas locare, ex leg. *Sabinus ff. de Contrahenda emptione*, quia domus in alieno solo fabricata cedit domino fundi, & ideo in tali casu gabella non esset solvenda.

ARTICULUS II.

Quænam res emi, vel vendi possunt?

I. Res pretio estimabiles dumtaxat emi, vel vendi possunt, seclusa speciali prohibitione; Unde non possunt vendi spiritualia, nisi ratione materia; Nec Templum sine licentia; Nec res pupilli, vel minoris; Nec homo liber, nisi pro vita tuenda, pro aliis redimendis, aut si Saraceni bello justo sint capti.

II. Res indifferentes, quibus homines sepe ad malos usus utuntur, quandonam vendi possunt? Num possunt ex motivo propria utilitatis vendi hujusmodi res, quæ non vergunt in damnum proximi, & quarum abusus a Republica toleratur? Quid si locando domum ludenibus, aut merecricibus grave inde damnum sequatur?

III. Quandonam, & a quibus, & sub quibus conditionibus vendi possunt publica officia secularia, puta Gubernatoris, Judicis, &c.?

IV. Quonam pacto emi possit res furtiva? Ad quid tenetur, qui bona fide rem furtivam emit, & revedidit? Et quid si mala fide emerit?

V. Venditio rei aliena jure positivo est solum invalida quoad transferendum dominium talis rei, non vero

quoad transferendum dominium pretii. Hinc potest dominus rei vendita sibi illam vindicare, ubicunque repererit, & Venditor mala si de illam vendens solum tenetur Empatori damnum resarcire.

VI. Quandonam poterit quis cogi ad vendendas res suas?

VII. Si res eadem uni donetur, alteri vendatur, & tertio vendatur simul, & iradatur, ad quem istorum ea spectabit?

VIII. Quando donatur res Tertio ab eo, qui impar est solvendis omnibus debitis, poteritne Titius rem illam sibi recipere? an debet creditoribus donantis illam restituere?

I. C ertum est, vendi posse omnia pretio estimabilia, nisi specialis prohibitio adsit, qua illicitam, vel invalidam reddat venditionem.

Hinc fit primo, spiritualia vendi non posse, cum non sint pretio estimabilia; Potest tamen vendi calix consecratus, aut aliud ratione materia, vel ratione laboris in eo confibedo: Labor tamen, qui per se annexitur rei spirituali, verbi gratia, in administratione Sacramentorum, &c. sine labore simoniae vendi non potest.

Secundo, nec potest vendi templum sine licentia, etiam si vendatur ratione materia, cum talis venditio irritetur in leg. *Sancimus, de Sacro sanctis Ecclesiis*; Et ut notat Trull. dub. 19. prohibitum etiam est vendere va- fa sacra integra etiam ratione materia; secus vero si sint confracta; quia tunc sanctitatem amiserunt.

Tertio, res pupilli, vel Minoris, &c., vendi non possunt a Tutore, vel Curatore; quamvis in conscientia valida sit venditio, si bona fide justum pretium solvatur.

Quarto, non potest homo liber vendi, ex leg. *Sed Celsus, Cod. de Contrahenda emptione*, nisi pro vita pro-